

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Ustavni sud FBiH donio presudu o povredi prava na lokalnu samoupravu	1
Općine Čubuk i Maglaj uspostavile bratske odnose	1
Međuopćinska razmjena iskustva Cazina i Viteza	2
Načelnik A. Halitović proglašen najnačelnikom regiona, a Dž. Bećirević najnačelnikom općine u BiH	2
Poziv općinama i gradovima da apliciraju za Beacon status	3
Potpisan ugovor za izradu glavnog projekta vodovoda Pivnice u Bužimu	4
Završena adaptacija centra za kulturu i informisanje u Olovu	4
Kredit razvojne banke FBiH za Općinu Ilijaš	5
Generalna skupština CEMR-a	5
NALAS: Konkurs za vizuelno rješenje NEXPO2013	6
NAJAVA obilježavanja dana općina	6-7

Bilten Saveza općina i gradova Federacije Bosne i Hercegovine

USTAVNI SUD FEDERACIJE BIH DONIO PRESUDU O POVREDI PRAVA NA LOKALNU SAMOUPRAVU OPĆINA HNK-a

Ustavni sud Federacije Bosne i Hercegovine odlučujući o zahtjevu Saveza općina i gradova Federacije Bosne i Hercegovine za zaštitu prava na lokalnu samoupravu u vezi sa Zakonom o osnovnom odgoju i obrazovanju koji je donijela Skupština Hercegovačko-neretvanskog kantona, nakon provedene javne rasprave, na sjednici održanoj 22.05.2012. godine, donio je presudu kojom se utvrđuje da je povrijeđeno pravo općina na lokalnu samoupravu.

Naime, Ustavnom sudu FBiH dana 17.01.2012. godine obratio se Savez općina i gradova FBiH zahtjevom za zaštitu prava na lokalnu samoupravu, smatrajući da su ova prava povrijeđena čl. 13., 15. i 53. Zakona o osnovnom odgoju i obrazovanju.

U zahtjevu je navedeno da je Hercegovačko-neretvanski kanton prenio dio svojih obaveza na budžete općina, ali im nije prenio odgovarajuća sredstva. Na ovaj način općine su prisiljene da svojim budžetima planiraju i osiguraju sredstva, koja inače predstavljaju posebnu nadležnost kantona i direktnu obavezu budžeta kantona, te su tako općinski budžeti neosnovano opterećeni. Presuda je objavljena u „Službenim novinama Federacije BiH, broj 59/12“.



OPĆINE ČUBUK I MAGLAJ USPOSTAVILE BRATSKO ODNOS



09. juli/srpanj – Načelnici općina Čubuk (Republika Turska) i Maglaj, Lokman Ozden i Mehmed Mustabašić, usaglasili su Sporazum o bratimljenju, koji će biti verifikovan na oktobarskom festivalu u Čubuku. Tim povodom u Maglaju je boravila visoka delegacija pomenute turske općine.

Tokom susreta sa načelnikom i njegovim saradnicima interesovali su se za stanje u Maglaju u svim oblastima od privrede, obrazovanja, kulture i sporta što će biti predmet interesovanja na kojima će ove dvije općine u budućnosti blisko sarađivati.

Zajedno su posjetili i Jusuf pašinu džamiju

Kuršumlju u kojoj turska TIKa radi na restauraciji i konzervaciji ovog vrijednog kulturno – historijskog objekta, Novu gradsku džamiju, te tursko – bosansku kompaniju “Natron – Hayat” u kojoj je zaposleno gotovo 900 radnika.

“Radujem se što sam došao u Maglaj i što smo uspostavili bratske odnose. Danas sam posjetio i Spomen obilježje šehidima Maglaja, ali i prelijepu Kuršumlju gdje sam bio posebno emotivno ganut. Maglaj je zaista prelijep grad. Od danas su uspostavljeni bratki odnosi koji će biti ozvaničeni u Čubuku u oktobru na svečanoj ceremoniji”, rekao je načelnik Ozden.

Svoje zadovoljstvo nije krio ni načelnik Mustabašić koji je naglasio da će nakon potpisivanja Sporazuma o bratimljenju biti konkretizovani vođeni razgovori na planu privrede, ali i razmjene učenika i studenata, pomoći djeci bez jednog ili oba roditelja, kulturi itd.

Čubuk je jedna od Ankarinih općina u kojoj dominira poljoprivredna proizvodnja.

I to prije svega proizvodnja zdrave hrane. Općina ima preko 80 hiljada stanovnika, udaljena je od Ankare četrdesetak kilometara, ima veliku bolnicu, univerzitet, aerodrom, te brojne pogone za preradu voća i povrća. Ovdje kažu, ako je Anadolija Dah Turske, onda je Čubuk Dah Ankare, glavnog grada Republike Turske.



Grb Općine Vitez



Grb Općine Cazin

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.chc.bih-mne.org
www.srb-bih.org
www.chc-cro-bih.net
www.programmedeu.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

Na ceremoniji, dodijeljene su ukupno 24 menadžerske nagrade najuspješnim menadžerima, te 16 nagrada najuspješnijim pojedincima, koji ne rade direktno u biznisu, ali svojim aktivnostima prave povoljniji ambijent za biznis i ekonomiju.

MEĐUOPĆINSKA RAZMJENA ISKUSTAVA CAZINA I VITEZA

U svrhu razmjene iskustava u pronalaženju sredstava za finansiranje infrastrukturnih projekata, 10. jula/srpnja, u službenoj posjeti općini Cazin boravili su predstavnici općine Vitez, Muhamed Rebihić, pomoćnik načelnika za poduzetništvo i lokalni razvoj, Ismet Trako, viši stručni saradnik za razvoj i Armin Varupa, stručni saradnik za projekte. Cilj posjete Općini Cazin i cazinskoj Agenciji za razvoj (ARC) bila je razmjena iskustava u pronalaženju sredstava za finansiranje infrastrukturnih projekata, sa fokusom na projekat izgradnje kanalizacije i donatorske izvore iz kojih je općina Cazin dobila podršku: ORIO program i Zapadno balkanski investicijski okvir (WBIF).



Suad Rošić, savjetnik načelnika Općine Cazin u vezi održanog sastanka istaknuo je da potrebe razvoja svake lokalne zajednice proizilaze iz stvarnih potreba građana za unapređenjem kvalitete života u sva tri segmenta razvoja: ekonomskom, društvenom i okolinskom, međutim, nivo razvoja prije svega je ograničen finansijskim mogućnostima, tako da zasigurno možemo reći da je jedan od najvećih izazova svake općine u Bosni i Hercegovini pronalaženje dodatnih izvora finansiranja putem apliciranja za dodjelu bespovratnih sredstava. „Općina Cazin je zahvaljujući jačanju kadrovskih kapaciteta ostvarila značajne rezultate u procesu pripreme projektnih aplikacija i pribavljanju donatorskih sredstava, te smo pokazali i spremnost da vlastita iskustva podijelimo sa svim općinama koje su za to zainteresirane. Do sada su takav interes kroz direktnu posjetu općini Cazin pokazale općine: Doboj Jug, Gradačac, Tešanj i Vitez, kao i neke druge općine putem drugih oblika komunikacije“ rekao je Rašić.

Direktor ARC-a, gospodin Amir Mulalić je prezentirao projekat uspostavljanja poslovne zone „Ratkovac“ u Cazinu nakon čega je pomoćnik načelnika za poduzetništvo i lokalni razvoj općine Vitez gospodin Muhamed Rebihić govorio o iskustvima općine Vitez, općine sa sigurno velikim brojem zaposlenih. Istaknuto zadovoljstvo radi korisnosti sastanka nije izostalo, a svi su se složili da ova saradnja oko razmjene iskustava tek počinje.

**NAČELNIK A. HALITOVIĆ PROGLAŠEN NAJNAČELNIKOM REGIONA ZA 2012.
GODINU, A DŽEVAD BEĆIREVIĆ NAJNAČELNIKOM OPĆINE U BIH**

Na svečanoj ceremoniji 26. po redu izbora najuspješnijih menadžera i kompanija jugoistočne i srednje Evrope u 2012. godini, koja je održana 5. jula/srpnja u Kongresnoj dvorani sarajevskog Hotela "Holiday Inn", Agencija za izbor najmenadžera BiH, jugoistočne i srednje Evrope, po odluci žirija sastavljenog od najuglednijih menadžera i naučnih radnika iz regiona, dodijelila je načelniku Općine Bosanska Krupa, Arminu Halitoviću, visoko priznanje, "Najnačelnik regiona za 2012. godinu", te načelniku sarajevske Općine Centar Dževadu Bećireviću priznanje "Najnačelnik općine u BiH" za 2012. godinu. Pomenuto priznanje načelnici su dobili za izvanredne rezultate u razvoju općine, izgradnji infrastrukture i stvaranju poslovnog ambijenta.

Na ceremoniji, dodijeljene su ukupno 24 menadžerske nagrade najuspješnim menadžerima, te 16 nagrada najuspješnijim pojedincima, koji ne rade direktno u biznisu, ali svojim aktivnostima prave povoljniji ambijent za biznis i ekonomiju.

Prilikom proglašenja Dževada Bećirevića Najnačelnikom za 2012. rečeno je da je to priznanje za njegovo uspješno osmogodišnje vođenje Općine Centar tokom dva uzastopna načelnička mandata, kontinuiranim ulaganjima u komunalnu infrastrukturu, saobraćajnice, ambulante, uređenje parkova, izletišta, vodovodne i kanalizacione mreže, javne rasvjete i svega što doprinosi boljem životu građana, kao i za razvoj demokratskih odnosa na području općine Centar.

Načelnik Halitović je prilikom dodjele priznanja istakao da nagrada predstavlja priznanje za sve stanovnike Općine Bosanska Krupa. Izrazio je zadovoljstvo što su stručnjaci prepoznali rad i napore da se u gradu na Uni i Krušnici stvore bolji životni uslovi, te se zahvalio na podršci koju su mu pružili saradnici i uposlenici organa uprave, općinski vijećnici, sugrađani i prijatelji. "Ovo je još jedan dokaz da je Općina Bosanska Krupa na dobrom, pravom putu, da stvori kvalitetan ambijent za bolji život građana i nova radna mjesta", dodao je načelnik Halitović.

Osim spomenutih načelnika, specijalno priznanje su također dobili: Nermin Ogrišević, načelnik Općine Cazin, Smiljan Vidić, načelnik Općine Čapljina i Mićo Mićić, načelnik Opštine Bijeljina.

U izboru za "Menadžera 2012. godine", od više stotina prijavljenih kandidata stručni žiri je izabrao 24 najbolja menadžera iz 15 zemalja, koji su ostvarili veliki uspjeh i rezultate u ekonomskom razvoju, investicijama, ekologiji, kvaliteti rada i zapošljavanju.

Uručene su i nagrade najuspješnijim ambasadorima, ljudima iz nauke, zdravstva, te gradonačelnicima i načelnicima, u slijedećim kategorijama: Nagrada za životno djelo, Ličnost godine regiona, Najmenadžeri decenije, Privredna ličnost godine, Super šampioni biznisa, Najmenadžeri regiona, Najbolje evropske kompanije, Najkompanija iz BiH, Najmenadžer u bankarstvu, Privredni podvign godine te Specijalna priznanja.



Hotel Holiday Inn, Sarajevo

POZIV OPĆINAMA I GRADOVIMA FBiH DA APLICIRAJU ZA BEACON STATUS

Savez općina i gradova Federacije BiH poziva općine i gradove da apliciraju za Beacon status/Status najboljih općinskih praksi iz oblasti:

- **Energetska efikasnost**
- **Evidentiranje i upravljanje imovinom lokalne zajednice**
- **Ostvarivanje strateških ciljeva lokalnih zajednica kroz saradnju s nevladinim organizacijama**

Ukoliko je Vaša općina ili grad postigla zavidne rezultate iz neke od ovih oblasti pozivamo Vas da aplicirate i podijelite svoju dobru praksu sa ostalim lokalnim zajednicama.

Projekat finansiraju Ministarstvo pravde FBiH, Ministarstvo uprave i lokalne samouprave Republike Srpske i Vlada Brčko Distrikta. Implementatori projekta su savezi općina i gradova FBiH i RS. Fond nagrada iznosi 48.000,00 KM.

Beacon brošuru i Aplikacioni obrazac možete preuzeti na web stranici Saveza, www.sogfbih.ba.

Krajnji rok za prijave je 31. juli/srpanj 2012.

Za sve daljnje informacije možete kontaktirati Stručnu službu Saveza putem e-mail mirela@sogfbih.ba, tel/fax-a 033 216 502, 552 810



Projekat finansiraju
Ministarstvo pravde FBiH,
Ministarstvo uprave i
lokalne samouprave
Republike Srpske i Vlada
Brčko Distrikta.





POTPISAN UGOVOR ZA IZRADU GLAVNOG PROJEKTA VODOVODA PIVNICE U BUŽIMU

Kako bi se u dogledno vrijeme stanovništvu općine Bužim, a u skladu sa projekcijama iz Prostornog plana, obezbjedilo uredno i redovno vodosnabdijevanje pitkom vodom, Općina Bužim je pokrenula niz aktivnosti. Trenuto se oko 30% stanovnika općine snabdijeva vodom sa gradskog vodovodnog sistema, a 60% vodu za piće dobiva sa lokalnih vodovoda po mjesnim zajednicama. Ostalo stanovništvo vodom se snabdijeva sa bunara, izvorišta ili individualnih sistema vodosnabdijevanja. U ljetnim periodima zbog nedovoljne količine vode, česte su redukcije i u gradskom vodovodu, jer na vodocrpilištu Musići nerijetko dolazi do zarušavanja postojećih bušotina. Sa izvorišta Musići, inače se snabdijeva vodom urbani dio Bužima, te više seoskih naselja.



Prema projekcijama Prostornog plana Općine da bi cjelokupno stanovništvo imalo urednu i redovnu opskrbu vodom u narednih 20 godina neophodno je obezbjediti izvorišne kapacitete sa 45 litara vode u sekundi. Stoga se krenulo u identifikaciju izvorišta, izrade studija, idejnih i glavnih projekata. Rezultat napornog rada je i današnje potpisivanje ugovora o izradi glavnog projekta za vodovod „Pivnice“ čija je vrijednost 56.000,00 KM. Ugovor su potpisali načelnik Općine Bužim Mirsad Šahinović i projektantska kuća „Fotogeo“ iz Velike Kladuše. Izvorište Pivnica kapaciteta je 14 litara u sekundi i trajno je rješenje za oko 500 domaćinstava i 3.000 stanovnika MZ Konjodor na čijem području se svake godine šire zasadi malina. Ove godine je iz sredstava općinskog budžeta obezbijeđeno 100.000,00 KM za kupovinu cijevi za potisni vodovod, a izradom glavnog projekta vodosnabdijevanje MZ Konjodor će biti kvalitetno i dugoročno riješeno.

Koliko će se u narednom periodu uraditi na realizaciji planiranih aktivnosti, uglavnom će ovisiti od finansijskih sredstava. U Općini tvrde da će učiniti sve kako bi naredne godine bio završen ovaj najznačajniji projekat u MZ Konjodor.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

ZAVRŠENA ADAPTACIJA CENTRA ZA KULTURU I INFORMISANJE U OLOVU

U okviru projekta upravne odgovornosti "GAP", u Olovu je završena adaptacija Centra za kulturu i informiranje, smještenog u dijelu zgrade Doma kulture.

U prisustvu gostiju, rad Centra presijecanjem vrpce ozvaničili su premijer Zeničko – dobojskog kantona Fikret Plevljak, predstavnik Agencije za koordinaciju međunarodnog razvoja "SIDA" Mario Vignjević i načelnik Općine Olovo Alija Hadžiabdić.

Saradnjom "GAP"-a i Općine Olovo, koja je obuhvatala izgradnju moderne šalter-sale i instaliranje nove opreme, učinjen je znatan iskorak u omogućavanju boljih uvjeta u pružanju usluga građanima.

"U svim fazama projekta, uz općinu Olovo, Vladu ZDK i Fondaciju Odras, GAP je dao nemjerljiv doprinos u njihovoj realizaciji, te na kraju svog mandata u našoj zemlji i na ovom primjeru pokazao da je u potpunosti ispunio svoju misiju", izjavio je načelnik Hadžiabdić.

U prvoj fazi, u aprilu 2010. godine završeni su radovi u prizemlju zgrade Općine, te izgradnja Centra za pružanje usluga građanima i Centra za dozvole. Druga faza je obuhvatala rekonstrukciju sprata Općine i dijela prostorija Doma kulture, odnosno, Centra za kulturu i informisanje Olovo.



Grb Općine Olovo



Zgrada Općine Olovo

KREDIT RAZVOJNE BANKE ZA OPĆINU ILIJAŠ: USKORO IZGRADNJA GRADSKOG TRGA



Općina Ilijaš zadužila se za izgradnju pješačke zone Centar Ilijaš kod Razvojne banke u iznosu od milion maraka na period od sedam godina, sa grace periodom od šest mjeseci. U oktobru iduće godine bit će isplaćen dug za kredit kojim je izgrađena Sportska dvorana Ilijaš, tako da će novo zaduženje značiti samo produženje tog kredita i jedini je način dobivanja sredstava za projekat uređenja pješačke zone.

Glavni gradski trg protezat će se od raskrsnice ulica Hašima Spahića i 29. februara u dužini od oko 300 metara, te širine između 25 i 30 metara. Tender za izgradnju pješačke zone raspisan je početkom juna/lipnja, a rok za dostavljanje ponuda je istekao jučer, što znači da u ovom mjesecu slijedi izbor najpovoljnijeg izvođača i priprema za potpisivanje ugovora.

"Ako bude sve uredi, u smislu da li će biti žalbi što bi produžilo rok, očekuje se da početkom augusta bude potpisan ugovor. S obzirom na to da postoji i projekat, dobili smo i građevinsku dozvolu, te su obezbijedena i sredstva, stvoreni su svi preduvjeti za početak radova", istakao je Akif Fazlić, pomoćnik načelnika za privredu i finansije Općine Ilijaš.

Projekat koji je izradio IPSA Institut, obuhvatit će najprije defektažu komunalija, zatim popločavanje šetališta, te izgradnju centralne fontane, ali i ugradnju mobilijara, odnosno klupa, displaya, panoa za oglašavanje, te i dijela zelenila, hortikulture koji je projektom definisan.

"Pored fontane, mobilijara, postaviti ćemo i novu rasvjetu. Ovim tenderom definisano je polaganje kablova unutar trupa šetnice, zatim njeno popločavanje, po završetku ovih radova raspisat ćemo i tender koji će se ticati samo javne rasvjete. Tenderskom dokumentacijom radove smo definisali na 120 dana, s tim što ponuđači mogu dati i kraći rok. Na ovom trgu moći će se, od aprila do oktobra, postaviti ljetne bašte kafića, ali i održavanje kulturnih manifestacija kao što su Ilijaški dani", kazao je Fazlić. (eKapija)



Ilijaš

GENERALNA SKUPŠTINA VIJEĆA EVROPSKIH OPĆINA I REGIONA



Council of European Municipalities and Regions
Conseil des Communes et Régions d'Europe

U Ženevi, 1951. godine grupa evropskih načelnika osnovala je Vijeće evropskih općina. Naknadno su u organizaciju učlanjene i regije te

je organizacija postala Vijeće evropskih općina i regija (CEMR).

CEMR je danas najveća organizacija lokalnih i regionalnih vlasti u Evropi. Broji preko 50 asocijacija gradova, općina i regija iz 39 zemalja. Zajedno, ove asocijacije predstavljaju više od 100,000 lokalnih i regionalnih vlasti.

CEMR aktivno promovira ujedinjenu Evropu baziranu na lokalnim i regionalnim vlastima i demokratiji kroz jačanje doprinosa lokalnih i regionalnih vlasti na kreiranje Evropskih zakona i politika, kroz razmjenu iskustava na lokalnom i regionalnom nivou i kroz međusobnu saradnju sa drugim državama u svijetu.

CEMR je uključen u aktivnosti koje se tiču regionalnih politika na teme jednakopravnosti, okoliša, transporta, itd. Komisije i radne grupe svojim zaključcima nastoje da utiču na nacрте EU legislative, kako bi se interesi lokalnih i regionalnih vlasti uzeli u obzir u početnim fazama EU legislativnog procesa.

Savez općina i gradova Federacije Bosne i Hercegovine je članica CEMR-a od 2008. godine.

Ovogodišnja Generalna skupština CEMR-a je glavni događaj ove organizacije i biće održana u septembru/rujnu u gradu Cádiz (Španija), a bez napora svih, neće polučiti uspjehom koji želimo.

CEMR tim priprema bogat program, koji će biti koristan i interesantan za sve učesnike. Već imaju potvrđeno učešće dva evropska komesara i više ključnih osoba i eksperata sa nivoa EU.

Kako bi se osigurala potrebna finansijska sredstva za ovaj događaj, potrebno je da prisustvuje najmanje 800 učesnika. To znači, u prosjeku 20 učesnika iz svake zemlje članice CEMR-a. Uzimajući u obzir tešku finansijsku situaciju, organizatori su odlučili ograničiti troškove registracije, snižavajući ih za oko 5% od iznosa prošlogodišnje Generalne skupštine.

Ovom prilikom pozivamo sve općine i gradove iz Federacije Bosne i Hercegovine da, ukoliko imaju interes i mogućnosti, učestvuju u radu Generalne skupštine CEMR-a koja će se održati u Španiji u gradu Cádiz od 26. do 28. septembra/rujna 2012. godine.





Cádiz, Španija

U vrijeme kada se Evropa suočava sa mnogim izazovima, ova Skupština je jedinstvena prilika da se pokaže predanost evropskih lokalnih i regionalnih vlasti snažnoj Evropi, koja djeluje u solidarnosti i u interesu svog



Cádiz, Španija

cjelokupnog prostora. Ovo je također šansa za lokalne i regionalne izabrane predstavnike da pokažu kako su spremni suočiti se sa izazovima sa kojima se danas suočava Evropa, te da ponesu pozitivnu poruku o budućnosti našeg kontinenta.

Ovom prilikom pozivamo sve općine i gradove iz Federacije Bosne i Hercegovine da, ukoliko imaju interes i mogućnosti, učestvuju u radu Generalne skupštine CEMR-a koja će se održati u Španiji u gradu Cádiz od 26. do 28. septembra/rujna 2012. godine.

Za više informacija o Generalnoj skupštini, programu i načinu prijavljivanja možete naći na sljedećoj web stranici www.cemr2012.eu

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipabc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

NALAS: KONKURS ZA VIZUELNO RJEŠENJE NEXPO 2013

Mreža saveza lokalnih vlasti jugoistočne Evrope (NALAS), objavila je poziv za izradu vizualnog rješenja Drugog međunarodnog sajma lokalne samouprave "NEXPO 2013" koji će se održati u Rijeci i Opatiji od 25.-27. septembra/rujna 2013. godine.


Uvjeti konkursa nalaze se na web stranici NALAS-a <http://www.nalas.eu/Post.aspx?id=351>

Radovi moraju prispjeti najkasnije do 15. avgusta/kolovoza 2012. u 16:00 na adresu NALAS, Partizanski odredi 42/7, Skopje 1000, Macedonia.



NAJAVA OBILJEŽAVANJA DANA OPĆINA

- **06. august/kolovoz - Dan Općine Cazin** i predstavlja sjećanje na dan kada je deblokiran Cazin, ali i područje Unsko-sanskog kantona u proteklom ratu.
- **15. august/kolovoz - Dan Općine Široki Brijeg.** Naime, ovaj datum se obilježava kao blagdan Velike Gospe.
- **15. august/kolovoz - Dan Općine Posušje.** Ovaj datum je značajan za Posušje jer se na taj dan obilježava Velika Gospa.

Općina Cazin
Cazin

Široki Brijeg



Posušje



Savez općina i gradova Federacije Bosne i Hercegovine

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nadite nas na facebook-u



POSJETITE NAS NA WEB-U


WWW.SOGFBIH.BA

NAJAVA OBILJEŽAVANJA DANA OPĆINA

- **16. august/kolovoz - Dan Općine Busovača.** Pod svojim sadašnjim imenom Busovača se u pisanim dokumentima prvi put spominje 16.08.1371. godine kada je izvjesni Gojko Čepić iz Busovače prodao Johanu Rombaldu Bonu 30 miliarija gvožđa. Navedeni datum je upisan na grbu grada Busovače i obilježava se kao Dan Općine.
- **20. august/kolovoz - Dan Općine Olovo.** Na ovaj datum je ukopan prvi ŠEHID u „Šehidskom mezarju“ u Solunu (naselje u blizini Olova).
- **29. august/kolovoz - Dan Općine Visoko.** Ovaj datum se veže za datum izdavanja Povelje Kulina Bana 29.08.1189. godine.
- **31. august/kolovoz - Dan Općine Neum.**



Busovača



Neum



Visoko



Olovo

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.